



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

LXIX. Die dem Markgrafen Ludwig ergebene Städte und Mannen schließen einen Vertrag mit der Gegenpartei, am 29. November 1348.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

LXIX. Die dem Markgrafen Ludwig ergebenen Städte und Mannen schließen einen Vertrag mit der Gegenparthei, am 29. November 1348.

Wy Beteke von der Ost, Claws Sak, Ridder, Henningh von Vchtenhagen, Johannes von Wedel, Knechte, vnd Ratmanne von Arnwalde, Vredeberge, Landesberge vnd Morin bekennen des, daz wy hebben gededingen tuschen vfen liuen heren marchgreue Ludewich von Brandenborch, vs vnd allen steden vnd mannen, dy em tu horen vnd en vor eynen heren holden, vp eyn side, vnd tuschen den erbaren luden, den steden Konigefberge, Soldin, Scowenvlite vnd Lippene vnd mannen, dy met em tu holden, vp der anderen siden, eynen vrede tuschen hir vnde den ouersten, den dach vt, also dat vfer eyn tu den anderen tyn scal veylich liues vnd gudes ane argelist vnd an vreden stan Allet, dat sich holdet an beyden siden, Ridder oder knecht, Borger oder bure, pape ofte monckke. Weret, ofte hir binnen eynych here in dy lant wolde tyn, den man het, marchgreue Woldemar oder welch here dat were, deme scolen dy vir vorgenanten stede Konigefberge, Soldin, Scowenvlite vnd Lippene vnd hir hulper vnbehulpen sin vnd nicht volgen laten oder vorkopen engerhande spyse vnd nicht yn laten. Weret, dat hy hir binnen herouer thoge vnd scaden dede in deme lande, darmet scal vse vrede nicht gebroke sin, Also hir vorgescreuen ist, vnd wy an der ander zyden ein engen scaden weder dun, darmet scal dy vrede och vngebroken sin. Wy vmme kopenscap tut, dy scal veylich sin an beyden siden von vrankenvorde vnd dy lant vnd an desser syde hen weder oder von wanne sy komen vp desser syde, so scolen sy veylich sin vp desse syde der oder: binnen des so scal men vorkopen vnd kopen vnderlanck, also men vor hat gedan. Vortmer vmme gevangen vnd dat genomen ist in deme lande binnen vrede vnd gebwe vnde heyden, Des scolen eyn sondage ouer acht dage tu deme Soldine riden dry borger vnd tve vses heren man an beyden syden: wat dy darvme spreken, dat scal man stede holden: vnd wy tu clagen hat, dat scal men suken vor dy lanrichter an beyden syden, also man vor hat gedan. Wolde och wy rouen oft stelen hir binnen, dat scole wy an beydent syde sturen, eyn deme anderen tu helpende. Des loue wy vorgenanten manne vnd stede den von Konigefberge, Soldin, Scowenvlite vnd Lippene vnd Rulof von Liuendal, geuart witten, henningh grunenberch, henningh iungen, den knapen, dy vorsproken dedinge vnd vrede stede vnd gantz tu holden. Desse brif ist gegeben tume soldin, na godes bort dritteyn bundert jar in deme acht vnde virtichesten Jar, in vigilia Andre apostoli, vnder vfer vorbenumeden stede ingelegel.

Nach dem Originale des Königsberger Stadtarchives No. 49.